

de Trupialen.

13-01-1953 / 13-01-1978

Sinceramente y cu placer mi ta desea di contribui cu un prefacio cortico, pa asina felizmente nos por celebra 25 aña di existencia di e Grupo elite “de Trupialen”.

Si tin un organizacion na Aruba cu a destaca su mes den promove cultura local na un manera convincente, indudablemente ta e grupo aki “de Trupialen”.

Pa medio di “de Trupialen” e hubentud escolar Arubano a siña canta piezanan den nan propio idioma.

Pa e voznan entrena di “de Trupialen” a propaga e notanan vibrante di Aruba Dushi Tera, composicion inmortal di e dos musico-autornan Arubano Rufo Wever y Padu Lampe.

Den musica, canto, declamacion y teatro “de Trupialen” a sobresali na vanguardia di cultura local.

Ta dificil papia de “de Trupialen” sin menciona nomber di un di e La Sallistanan cu a dirigi e grupo pa varios aña esta Frere Alexius, tambe cu asistencia di varios di su otro confraternan.

Na esakinan ta bay tambe nos maestra di aprecio.

Finalmente mi kier extende un caluroso pabien na e directiva actual cu e deseo pa e grupo aki “de Trupialen” sigui plama nan actividadnan den tur skina di Aruba pa hopi añanan mas, na beneficio cultural di un pueblo den su desaroyo.

Trupialen, pabien!

Cu hala di biento
Hiba contento
Nota di boso cancion
Canta tur dia
Trece alegria
Halza tur curazon.

Hubert Booi
Cultura y Educacion
Aruba